

14. decembari 2016

Qimmit qitsuillu pillugit ungoorisarnermut toqutsisarnermullu Namminersorlutik Oqartussat nalunaarutissaattut siunnersuut

Uumasunik illersuineq pillugu Inatsisartut inatsisaat nr. 25, 18. december 2003-meersumi § 10, § 13, imm. 2 aamma § 27, imm. 2-3 naapertorlugit aalajangerneqarpoq:

Kapitali 1

Atuuffia nassuiaatillu

Atuuffia

§ 1. Qimminik qitsunnillu ungoorinerit toqutsinerillu suulluunniit nalunaarummi matumani pineqarput, ungoorisut toqutsisullu qimmeqartuunersut aamma qitsuuteqartuunersut imaluunniit inuit atorfeqarnerminnut atatillugu ungoorisinnaanermut toqutsisinnaanermullu pisinnaatitaanissaat imaluunniit immikkut piginnaatitaanissaat matumani apeqqutaatinneqanngilaq.

Imm. 2. Uumasut nakorsaasa qimminik qitsunnillu nakorsaatinik toqutsisinnaanerat nalunaarusiami matumani ilaatinneqanngilaq.

Nassuiaatit

§ 2. Nalunaarut naapertorlugu toqutsineq tassaavoq uumasumik ilisimaaralugu toqutsissalluni piareersarneq, uumasup toqunneqarneranik naammassineqartumik.

Imm. 2 Nalunaarummi qimmit pineqartut tassaapput qimmit qimuttuunngitsut, qimmit qimuttut aamma savaatillit qimmii.

Kapitali 2

Qimminik qitsunnillu ungoorilluni tigusiniarneq

§ 3. Qimmit qitsuillu ungoorlugit tiguneqarpata toqunneqalerpataluunniit isumatusaartumik ukkatarineqassapput, paarinerlunneqartussaananik, assoroortinneqartussaananik imaluunniit pisariaqanngitsumik anniartinneqartussaananik.

Imm. 2. Tigusiniarneq toqutsiniarnermik siunertaqanngippat kialuunniit tamanna qinnutigisinnaavaa.

§ 4. Kommuni imaluunniit uumasut nakorsaat toqutsisoqartussaattillugu ungoorinissamut kisimik innersuussisinnaapput, toqutsiniarneq uumasunik illersuiniarnermik pisariaqartutut isigineqanngippat.

14. decembari 2016

Imm. 2. Ungoorilluni tigusiniarneq toqutsiniarnermik siunertaqanngippat kialluunniit tamanna qinnutigisinnaavaa.

§ 5. Qimminik ungoorilluni tigusiniartilluni karsit pillatit atorneqarsinnaapput. Karsit atorneqartut iluisa uuttuutaat minnerpaamik 120 cm × 60 cm × 70 cm.-isut angissuseqassapput.

Qitsunnik atorneqartussat iluisa uuttuutaat minnerpaamik 80 cm × 30 cm × 30 cm.-isut angissuseqassapput.

Imm. 2. Pullatit iluisa iigai inngigissunik sineqassanngillat, aniinganertaqaratik allanilluunniit uumasumut ajoquusiisussaanatik.

Imm. 3. Pullatit ungerutissianik nuiussanik peqanngikkunik naammattunik amerlassusilinnik silaannarissarfeqassapput.

§ 6. Pullatit matugaangata uumasumut innarliisinnaassanngillat, pullasersuinermilu uumasut pisarineqartut avatangiisinit pisariaqanngitsumik ajoqusersorneqannginnissaat qulakkeerniarneqassalluni.

§ 7. Pullatit takusarneqartuartassapput aamma sivisunerpaamik nalunaaquttap akunneri arfinillit qaangiutsinnagit takusarneqartassallutik.

Imm. 2. Pullatit taamaallaat maajip aallaqqaataaniit septembarip 30-annut atorneqartassapput.

§ 8. Uumasut unguukkat chippinik ilisarnaateqarnersut misissorneqartassaput, qungatsimikkut ujameqarnersut allatulluunniit aamma ilisarnaaserneqarsimanersut, ilisarnaatigineqartut piginnittuusumut takussutissaallutik.

Imm. 2. Piginnittoq paasineqariarpat uumasooq karsimit anisinneqassaaq uumasorlu sumut aaneqarsinnaanersoq pillugu piginnittoq piaartumik ilisimatinneqassalluni.

Imm. 3. Piginnittoq ingerlaannaq paasineqarsinnaanngippat uumasooq qimmit qitsuillu pillugit kommunip ileqqoreqqusai naapertorlugit inuttassarsiuunneqassaaq. Inuttassarsiuussinerup aallartinneranit uumasooq nalunaaquttap akunneri 72-it qaangiutsinnagit toqunneqassaaq.

Imm. 4. Uumasooq sarliartuunersoq, miluttunik piaraqarnersoq misissoqqaarneqartuaannassaaq. Uumasooq miluttunik piaraqarpat ingerlaannaq iperarneqassaaq, piaraasa tamakkerlugit tigneqarsimanerat qulakkeerneqanngippat.

Kapitali 3

Toqutsineq igitsinerlu

§ 9. Qimmit aallaallugit toqunneqartassapput. Qitsuit gassimik imaluunniit aallaallugit toqunneqartassapput.

Imm. 2. Qimminik qitsunnillu toqutsineq ima sapinngisamik aaqqissuunneqarlunilu pissaaq uumasooq minnerpaamik anniartillugu toqunneqarnialerneranilu toqunneqarneranilu annilaangatinneqassanani.

Imm. 3. Qimmimik qitsummilluunniit aallaallugu toqutsiniartup isumagissavaa uumasooq aalaakkerluarsimanissaa imaluunniit kalunnernik pitussimanissaa isumagissavaa, taamaalilluni pissannissaa minnerpaaffianiitinniarneqassalluni.

Imm. 4. Immikkoortoq 1-imi aalajangersagaq apeqqutaatinnagu toqutseriaatsit allat atorneqarnissaat Naalakkersuisut akuersissutigisinnaavaat, tamanna uumasunik illersuineq eqqarsaatigalugu illersorneqarsinnaappat, tamatumunngalu qinnuteqartoqarsimappat.

§ 10. Qimminik qitsunnillu aallaallugit illoqarfiit nunaqarfiillu aamma najugaqarfiit 500 meterit iluanni toqutsisoqarniarpat, tamanna uumasut nakorsaannit imaluunniit Naalakkersuisut qimminik nakkutilliisutut akuerisaannit taamaallaat suliarineqassaaq.

Imm. 2. Qimminik nakkutilliisut uumasullu nakorsaak immikkoortoq 1 malillugu toqutsinnginnerminni politiinit akuersissummik peqqaassapput.

Imm. 3. Politiit pisuni ataasiakkaani immikkoortoq 1-imi eqqaaneqartut uumasut nakorsaangitsut Naalakkersuisunillu akuerisat qimminik nakkutilliisuunngitsut akuerisinnaavaat.

§ 11. Qimmimik qitsummilluunniit toqutsiniartup toqutami illersorneqarsinnaasumik peernissaa isumagissavaa. Ima peerneqassaaq:

- 1) nunamut qaqqamiluunniit minnerpaamik 1 meterisut ititigisumut assanneqassaaq kingorna issumik, sioqqanik ujaraaqqanilluunniit matoorneqassalluni, imaluunniit
- 2) ikuallaavissatut akuerisaq atorlugu ikuallanneqassaaq.

Imm. 2. Qimmit qitsuillu nappaalanertik imaluunniit nappaalatorineqarnertik tunngavigalugu toqunneqartut nappaataannik siaruaattoqanninnissaa piniarlugu toqunneqarnerisa kinguninngua ikuallanneqassapput.

Kapitali 4

Qitsunnik gassimik toqutsineq

§ 12. Qitsummik gassimik toqutsiniartup kulilte (CO) imaluunniit kuldioxid (CO₂) atussavai.

§ 13. Inuit suliffeqarfiilluunniit qitsunnik gassinik toqutsiniartut Kalaallit Nunaanni Uumasunut Nakorsaarfik Inuussutissalerinermullu Oqartussanit tamatumunnga akuerineqassapput.

Imm. 2. Sakkut, atortorissaarutit assigisaallu qitsunnik gassimik toqutsiniarnermi atorneqartussat Kalaallit Nunaanni Uumasunut Nakorsaarfik Inuussutissalerinermullu Oqartussanit atorneqalinnginneranni akuersissutigineqarsimassapput.

14. decembari 2016

§ 14. Kultitemik, tassa ipinartumik, atuinermi uumasut inissinneqarfissaat ineeraq ima ilusi-lersugaassaaq, aaqqissugaalluni aserfallatsaalisaalluni uumasut gassimik toqunniarneqarneranni ajoqusersinnaajunnaarsillugillu nakkutigineqarsinnaasunngortillugit.

Imm. 2. Uumasut inissiffissaannut ineeqqamut aatsaat isertinneqassapput ineeqqami kuliltep annertussusaa minnerpaamik 1 volumenprocentimiilersimareerpat.

Imm. 3. Gassi qitsummik toqutsinermi atortussatut naatsorsuussaq motorimit aniatinneqarsin-naavoq kuliltep annertussusaa minnerpaamik 1 volumenprocentimiilereersimappat uumasut ineeqqamut aatsaat isertinneqassappata gassilu atorneqartoq imaappat:

- 1) naammattumik nillorsimappat,
- 2) naammattumik sukuluiagaappat aamma
- 3) iluaalliuutaasinnaasunik akuerussimappat imaluunniit iluaalliuutaasinnaasunik gasseerussimappat.

Imm. 4. Gassi najuussorneqartoq siullermik ilisimajunnaartitsissutaassaaq kingornalu qularnaatumik toqqutaassalluni.

Imm. 5. Uumasut ineeqqamiitinneqassapput toqunissaasa tungaannut.

Imm. 6. Gassi motorimit aniatinneqartoq atorneqarpat, soorlu immikkoortoq 3-mi eqqaaneqartoq, uumasunik sunilluunniit toqutsinialinnginnermi atortut toqutsissutaasussat misileqqaarneqarsimassapput.

§ 15. Qitsunnik toqutsinermi kuldioxid maqitsivimmeersoq atorneqarsinnaavoq, pissutsit makku atuuppata:

- 1) uumasut ineeqqamut eqqunneqarfissaat ima ilusilersugaappat, aaqqissugaalluni aserfallatsaalisaalluni uumasut gassimik toqunniarneqarneranni ajoqusersinnaajunnaarsillugit nakkutigineqarsinnaatillugillu,
- 2) Ineeqqap toqutsiviusussap silaanna annerpaaffissaatigut kuldioxidimik akuitsumik isaatitsiffigineqareersumut uumasut ineeqqamut toqutsiviusussamut aatsaat isertinneqarsinnaappata,
- 3) gassi najuussorneqartoq siullermik ilisimajunnaartitsissutaappaarluni kingornalu qularnaatumik toqqutaasinnaappat, kiisalu
- 4) uumasut toqunissaasa tungaannut ineeqqamiitinneqarsinnaappata.

Kapitali 5

Aallaammik qimminik qitsunnillu toqutsineq

§ 16. Qitsummik qimmimilluunniit toqutsiniartup qulakkeeqqaassavaa aallaammik igitsinnginnermini avatangiisit navianartorsiortinneqannginnissaat, matumani ilanngullugit aqerlut amerlasuullu maanngaannaq aallartunik uumasunut inunnulluunniit navianartorsiortitsinnginnissaat.

§ 17. Qimminik qitsunnillu toqutsinermi qoorortoq timmiarsiulluunniit atorneqassaaq.

14. decembari 2016

Imm. 2. Illuinnarsuutiniq boltpistoliniillu taamaallaat atuisoqarsinnaavoq Kalaallit Nunaanni Uumasunut Nakorsaqaarfik Inuussutissalerinermullu Oqartussanit ilitsersuisoqareerpat.

Imm. 3. Boltpistol atorineqassappat imassaa ima annertutigissaaq, tamanna qimminik qitsunnillu toqutsinissamut uumasut illersorneqarnerat eqqarsaatigalugu isumannaatsuussalluni.

Imm. 4. Immikkoortoq 2-mi aalajangersakkat apeqqutaatinnagit politiini illersornissamullu suliaqartuni sulisut sulinerminnut atatillugu illuinnarsuutertik atorlugu qimminik qitsunnillu illersorneqarsinnaasumik aalaakkerneqarsimasunik toqutsisinnaapput.

§ 18. Qarasaanut toqqaannartumik igittoqassaaq.

Imm. 2. Uumasooq perlerorsorineqarpat uummataatigut aallaaneqassaaq.

Imm. 3. Toqutsisoqassangilaq inuup uumasullu toqunniakkap imminnut ungasissusaat 15 meterinik ungasinneruppat. Tamanna atuuppoq qinngutitalimmik atuisoqaraluarpuunniit.

Kapitali 6

Qoorortuumik toqutsineq

§ 19. Qimmit qitsuillu toqunneqarniassangillat kaliber .243-nit minnernit aqerlua 3,2 gramimit oqinneruppat.

Imm. 2. Aqerlut inngigissut kanngussammik saviminernilluunniit puullit atoqqusaangillat.

Kapitali 7

Timmiarsiummik toqutsineq

§ 20. Timmiarsiutit kaliber 12-it annerilluunniit qimminik qitsunnillu toqutsinermi taamaallaat atoqqusaapput.

Imm. 2. Amerlasuut savimernit toqutsinermi atorineqarpata diameteriat minnerpaamik 3,75 mm-iussapput.

Kapitali 8

Pineqaatissiinissamut atuutilersitsinissamullu aalajangersakkat

§ 21. pinik 3-8, § 9, immikkoortoq 1-3, § 10, immikkoortoq 1-2, aamma §§-inik 11-20 unioqquitsinerit akiliisitsinermik kinguneqarsinnaapput.

Imm. 2. Inatsisitigut pisussaataasoq Kalaallit Nunaanni Pinerluttulerinermut inatsimmi malittarisassat malillugit akiliisussangortitaasinnaavoq.

Imm. 3. Immikkoortoq 1-imi aalajangersakkanik sorraatsumik utikattumilluunniit unioqquitsinerit sunilluunniit uumasuteqarsinnaanermik qaqugumulluunniit imaluunniit piffissami killilimmi inerteqqusiisoqarsinnaavoq.

14. decembari 2016

Imm. 4. Nalunaarut manna malillugu akiliisitsinermi pineqaatissiissutit landskarsimut nakkartinneqassapput.

§ 22. Nalunaarut ulloq xx xx 2017-imi atuutilerpoq.

Namminersorlutik Oqartussat, ulloq xx xx 2017

Hans Enoksen

/

Jørgen I. Olsen